

Bilkurak eta geldialdiak egin dituzte Madrilgo autobus gidariaren heriotza salatzeke

Hegoaldeko instituzioen aitzinean eta Bartzelonan egin dituzte kontzentrazioak

Agentziak / Madril

Hegoaldeko erakundeek aurrean eta Bartzelonan egin zituzten bilkurak atzo eguerdian Jesus Sanchez autobus gidariaren heriotza salatzeke. Horretaz gain Madrilgo eta EAEko zenbait autobus konpainiak bost minutuko geldialdia egin zuten. Sanchez, oso larri zauritu zen urriaren 30ean ETAk Madril en eginiko atentatuan eta asteazkenean hil zen.

EHUNKA herritar bildu ziren eguerdi partean Hego Euskal Herriko hiriburuetan eginiko bilkuretan isilean. Gasteizen, udaletxean, Lakuan eta Legebiltzarrean egin zituzten kontzentrazioak. Juan Jose Ibarretxe EAEko lehendakaria, Jaurlaritzako kideak eta Lakuako 200 bat langile Jaurlaritzaren atarian bildu ziren. Legebiltzarrean aurrean ere jende multzoa elkartu zen, tartean Javier Madrazo EB-IUko koordinatzailea edo Rafa Larreina EAKo Antolakuntza idazkaria.

Donostian udaletxea, Foru Aldundia, Justizia Jauregia eta unibertsitatea izan ziren bilgune. Udaletxean Odon Elorza alkatea 150 lagunekin bildu zen. Foru Aldundian 200 lagun inguru izan ziren.

Bizkaian, Bilbon eta Deustun izan ziren bilkurak. Bilbon udaletxea, Foru Aldundia eta Justizia Jauregia elkartu ziren, azken horretan 100 bat lagun, Manuel Maria Zorrilla EAEko Auzitegiko presidentea buru zutela.

Iruñean, Parlamentuaren aurreko bilkuran Miguel



JOSEBA OLALDE

Jaurlaritzaren egoitza aurrean atzo eguerdian eginiko kontzentrazioa.



XOUSE SIMAL

Bilbon autobus gidariak eginiko bost minutuko geldialdia.

Sanz Nafarroako lehendakaria, eta parlamentario ugari izan ziren. Milagros Rubio Batzarreko legebiltzarkidea ere han izan zen lehen aldiz. Udaletxearen aitzinean ere egin zuten kontzentrazioa.

Hegoaldeko erakundeetan eginiko bilkurez gain, Bartzelonan ere bildu ziren Sant

Jaume plazan. Madril en bilkurarik egin ez zen arren, dolu eguna izan zen atzokoa.

Autobus gidariak ere agertu zuten haien protestaldia eguerdian autobusak bost minutuz geldituz. Hala EAEko zenbait autobus konpai-

niak egin zuten bat protestaldi horrekin, eta baita Madrilgoek ere. Madril en, gainera, krespoi beltza jarrita ibili ziren EMT konpainiako autobusak.

Buruzagi politiko gehienek adierazpenak egin zituzten Sanchezen heriotza eragin zuen atentua gaitzesteko. EHk oharra kaleratu zuen. Autobus gidariaren heriotza sentitzen duela eta elkartasuna adierazi zion fa-miliari. «Espainiaren jarrera antide-mokratikoak» gatazkaren luzapena dakarrela zioen eta horrelako heriotzak gatazkaren ondorio direla. PPk eta PSOEk errepresioaren aldeko apustua egin dutela ere adierazi zuen EHk, eta irtenbidea eragotzen duela.

Iluntzean ere BAKek deituta 130 bilkura egin ziren Hegoaldean eta milaka lagunek hartu zuten parte.

Herritarrez gain ordezkari instituzionalak izan dira hiletan

Agentziak / Madril

RAMON Y CAJAL erietxe-ko tanatorioan egon zen Jesus Sanchezen hil-kapera atzo goizean. Bertatik jende ugari igaro zen, tartean, Jose Maria Aznar Espainiako presidentea. 14:00etan Madril di Cuencako Villamayor de Santiago herrira abiatu zen segizioa, bertan hileta elizkizuna egin eta ehorzteko, hangoa baitzen autobus gidaria.

Cuencako gotzainak eman zuen meza beste zortzi apaizekin. Herriko ia bizilagun guztiak, 3.000, eta instituzioetako zenbait ordezkari izan ziren bertan. Eusko Jaurlaritzaren izenean Alvaro Aman Garraio sailburua joan zen. Espainiako Gobernutik, Francisco Alvarez Cascos eta Jesus Posada ministroak, eta baita Gaztela-Manchako presidentea, Jose Bono ere.



SANTIAGO TORRALBA / EFE

Jesus Sanchezen zerraldia atzo elizatik ateratzen hileta ostean.

laburrean

Guardia Zibilak bonba bat zartarazi du Altsasuko postetxean

GUARDIA ZIBILAK bonba bat zartarazi zuen robot baten bidez bart gauean Nafarroan Altsasuko herriko postetxean. Espainiako delegazioaren arabera, ETAren izenean egin telefono deiak ohartarazi zuen Altsasuko Guardia Zibila bonba bat zegoela postetxean. Bertako leiho batean kaxa beltz bat ikusi zuten. Zonaldea itxi eta postetxea dagoen eraikineko bizilagunak euren etxeetatik atera zituzten. Ondoren, Guardia Zibila kaxa zartarazi zuen. leherketak ez zuen inolako kalterik eragin.

Baraiaingo EHko zinegotzi bati ustezko eskutitz-bonba bat bidali diote

ALFONSO ANGULO EHko Baraiaingo zinegotziak ustezko eskutitz-bonba jaso zuen atzo etxean. EHk igorri prentsa oharra dioenez, gutuna zinegotziaren neska lagunak ireki zuen. Ohiko karta bat baino handiagoa zela oharturik, irekitzean kalkulagailu hautsi bat kablez hiru pilei lotua aurkitu zuen Anguloren lagunak. Eskutitzean zera irakur zitekeen: «Pirulo zu harrapatzera goaz; Euskal Herria ez da existitzen; batasunos, EAJ, EA=ETA; eta Gora erregea». Zinegotziaren izengoitia Pirulo da. Ekintza UPN-PPk eta PSOE-PSNk ezker abertzalea «bakartzeko» egin deien ondorioa dela salatu du EHk.

Bego Moratalla espetxeratu dute, 7.500 pezetako isuna ez ordaintzeagatik

ERTZAINTZAK Bego Moratalla berangarra atxilotu eta Langraizko kartzelara eraman zuen atzo, Amnistiaren Aldeko Batzordeek jakinarazi zutenez. Moratalla 1997ko martxoaren 7an HBk deitutako greba orokorrean atxilotu zuen Ertzaintzak, bere burua identifikatzeari uko egin ziolako. Epai-kean, hamabost eguneko isuna ordaintzera zigortu zuten: 500 pezeta eguneko. Ordaindu ezean zazpi eguneko kartzela jasoko zuela erantsiz. Isuna ordaindu ez zenez kartzelaratu egin dute. Beran gon bilkura egin zuten 100 lagunek protesta gisa.